



# UKIUMOORTUMIK NALUNAARUT 2020

AKILERAARTARNERMUT AQUTSISOQARFIK / SKATTESTYRELSEN



[WWW.AKA.GL](http://WWW.AKA.GL)

# IMARISAI

Aqutsisoqarfiup pisortaata nalunaarutaa	3
Aallarniut	4
Aaqqissugaaneq ingerlatsinerlu	5
2020-mi Pingaarnertut suliniutit	6
Akilerartarnermut Aqutsisoqarfik Aaqqissugaanera	7
2020-mi Inernerit Aalajangersimasut	10
2020-mi allannguinerit	11
Kalaallit Nunaanni akileraarutit 2020 - Tamakkiisumik paasisaqarneq	17
Akileraarutit tunngaviit oqaluttuarisaanermi isigalugit allanngoriartorneri	18
2020-ip ingerlanerani akiitsut ineriartorneri	23

**Sulisut:** sulisut 120-it missaani.

**Aaqqissugaaneq:** Aqutsisoqarfik 2019-mi sisamanik immikkoortortaqpog.

- Suliatiqut suliniutit nakkutillinerlu, kukkunerisuiermik, akilerarusiinerimik annissinermilu akitsuuserinermik suliaqartoq.
- Akiliisitsiniartarfik, inuussutissarsiutillit inuunnaallu akiitsuunik isumaginnittoq kiisalu nakkutillineq - Aningaasaqarneq, naatsorsuutininik, akitsuutininik sulisitsisunillu nalunaarsuffimmik Sulinal-imik isumaginnittoq.
- Suliati ataatsimoorussat, tassaasut sulisunik pikkorissaaneq, attaveqatigiinneq aamma teknikki kiisalu innuttaasunik sullissivik.

Akilerartarnermut Aqutsisoqarfik aqutsisoqarfimmi pisortamit aqunneqarpoq, nammineq sulisoqartumik.

**Nunami inissisimanerit:** Suliassat Nuummi qitiusumik allaffimmi kiisalu nunap immikkoortuini tallimaasuni Qaortumi, Maniitsumi, Kangerlussuarmi, Sisimiuni Ilulissanilu kiisalu Danmarkimi allaffinni marlunni suliarineqartarput.

**Aqutsisoqarfiup inuiaqatigiinni akisussaaffii:** Akilerartarnermut Aqutsisoqarfik kalaallinik inuusuttunik ilinniartitseqataavoq. Suliffinnik misiliisut pingasut 2019-imi atorfinitsinneqarsimapput. Aqutsisoqarfiup pappiaqqanik atuneq sutigit tamatigit isumalluutininik atuinerup annikillissarnissaanik aallussineq.

**Nittartagaq:** [www.aka.gl](http://www.aka.gl)

# AQUTSISOQARFIUP PISORTAATA NALUNAARUTAA

Kalaallit Nunaanni innuttaasunut suliffeqarfinnullu suliassaq angisooq pingaarutilillu Akileraartarnermut Aqutsisoqarfiup sularaa, taamatut nunap aningaasaqarneranut tunngaviumik pingaarutilimmik Akileraartarnermut Aqutsisoqarfik atuuffeqarpoq.

2020 ukioq nalinginnaasimangilaq. Nuummi innuttaasut piffissap ilaani angerlartinneqarput Covid-19 pissutigalugu. Inuiaqatigiit nunallu aningaasaqarnera kipiluttunartorsiortinneqarput. Akileraartarnermut aqutsisoqarfik aamma ajornartorsiortarnermut taamatut inissimasariaqarsimavoq. Akileraarutit akitsuutillu arlallit akilernissaanut piffissaliussat sivitsorneqarput, aamma aningaasarsianut taartisiat pillugit Naalakkersuisut COVID-19-imut ikiorsiissutinnik aqutsinermit nakutiginninnermullu tunngatillugu Akileraartarnermut Aqutsisoqarfik suleqataavoq.

Akileraartarnermut Aqutsisoqarfiup 2020-mi suliassat pingaarnerpaat, tassa akileraarutinut, akitsuutinut aamma akiliisitiartarnermik suliassaqarfiit, kiisalu pinngitsoorani soraarnerussutisiaqarnissaq pillugu allaffissornikkut suliassat isumagineri ukkanneqarput. Ukiup aallartinnerani pinngitsoorani utoqqalinersiaqarnissamat akiliinerit pillugit malittarisassanut nutaanut atassuteqartumik akileraarusiinermit allagartamik kukkusumik procentimik akileraarutissartalimmik innuttaasut 1000-ngajaat tigusaqarmata aqutsisoqarfik isornartorsiortinneqarpoq. Immikkut oqarasuaatikkut toqqaannartumik attaveqaammik aqutsisoqarfik pilersitsivoq, aamma pinngitsoorani utoqqalinersiaqarnissamat tunngatillugu attaveqaqatigiinneq nakussassarniarlugu ukkassimallugu, innuttaasut apeqqutigineqarnerpaanut akineqarsinnaaniassammata. Pinngitsoorani utoqqalinersiaqarnissamik aqutsinermit malittarisassani immikkoortut nassuiarnissaanut suliffeqarfiup iluani piginnaaneqarnerulerpugut.

Naalakkersuisut digitalingortitsinermit periusissiaat 2018-2021 'Inuiaqatigiit digitalimik atuisut' pisortani susassaartut assigiinngitsut suleqatigiinnissaannik piimasaqaateqarpoq, taamaaliornikkut digitalikkut aqqiissuteqarnerit immikkoortut ingerlataqartullu akimorlugit ingerlassapput. Ataqtigiissumik aqqiissuussat nutaat ingerlatinniarlugit aningaasaqarnermit ataqtigiissumik aqqiissuussinermit nutaamut, Sullissivimmu Digitalikkullu Allannut tunngatillugu Akileraartarnermit Aqutsisoqarfiup ingerlatsisut allat peqatigalugit annertuumik suliniuteqarpoq. Innuttaasuut suliffeqarfiillu Sullissivik.gl aqqutigalugu paasisutissanut imminullu kiffartuussinissamat periarfissaat aamma 2020-imi piorsaaffigineqarput. Taamatut siumoortumik nalunaarsuinerup, inaarutaasumik ukiumullu naatsorsuinerit, akileraarusiinermit allagartap allakkallu allat Akileraartarnermit Aqutsisoqarfimmeersut nassiunnerini siunissami e-Boksip atorineqarnissaanut tunngatillugu piareersaataasumik sulineq Akileraartarnermit Aqutsisoqarfiup aallartippaa. 2021-mi e-Boksi piviusunngortinneqarpoq.

Kalaallit Nunaata nunallu allat akornanni suliffeqarfiit akunnerminni aningaasanik nuussisarneranut aningaasallu ingerlaarnerannut tunngasunut sakkortunerusumik suliniuteqarnermit 2021-mut aningaasanut inatsimmi aningaasat immikkoortinneqarput. Manna tikillugu misissueqqissaarnernut sularineqartut sivitsornerinut suliniarneq tamanna ilannguppoq.

Kalaallit Nunaanni innuttaasunik suliffeqarfinnillu tamanik pitsaasumik sullissisutut aamma ineriartornermik paasisimannilluartut suliffeqarfiorusulluta Akileraartarnermit Aqutsisoqarfimmi kissaatigaarput.



Kim Neumann Nielsen, Aqutsisoqarfimmi pistortaqaq

# AALLARNIUT

---

Akileraartarnermut Aqutsisoqarfiup suliassai pingaarnerit tassaapput akileraarutininik akitsuutinillu akiliisitsinerit kiisalu pisortanut akiitsunik akiliisitsiniartarnerit. Akileraartarnermut Aqutsisoqarfik ukiut tamaasa innuttaasunik suliffeqarfinnillu atassuteqartarpoq. Akitsuuserinerimut atatillugu innuttaasut naapittarpagut, aamma aningaasaqarneranni pissutsit imaluunniit suliffeqarfiit ingerlataat pillugit ulluinnarni atassuteqarfigisarlutigit. Aqutsisoqarfik innuttaasuniit suliffeqarfinnillu 80.000-it sinnerlugit ukiumut saaffigineqartarpoq.

Innuttaasut suliffeqarfiillu inissisimanerannik pisariaqartitaannillu aallaaveqartumik suliffeqarfimmik naapitaqarnermik misigisaqarnissaat pillugit innuttaasut suliffeqarfiillu pillugit sammisaqarpugut, aamma saaffiginnissutit erseqqissumik, eqqortumik sukkasuumillu akiniartarlugit. Tamanna atuuppoq saaffiginninneq digitalikkut imaluunniit nammineq takkunneq pinersaq apeqqutaatinnaq. Arlalissuit akileraartarneq suliassaqarfittut paasiuminaattut misigisarpaat. Akileraartarnermut Aqutsisoqarfiup oqaloqatigiinnermi ajornaatsuunissaq paasinartuunissarlu anguniartarpaa.

Akileraartarnermut Aqutsisoqarfik nuna tamakkerlugu suliffeqarfiussaaq piginnaasaqartoq naammassisaqarluartorlu, akileraarutininik, akitsuutinik akiliisitsiniaanermillu eqqortumik aqutsinermik inuiaqatigiinnut qulakkeerinnittoq. Innuttaasunik, atuisunik suliffeqarfinnillu sutigut tamatigut atassuteqarneq ataqinnittumik ingerlanneqassaaq. Aqutsisoqarfik suliffeqarfiussaaq sulisunik piginnaasaqartunik kiffartuussinissamillu sammisunik ineriartortitsinerimi siuttusoq.

Akileraarutit akitsuutinillu inuiaqatigiinni iluaqutit nammatassallu agguarnissaannut politikikkut sakkuupput. Akileraartarnermut Aqutsisoqarfik tunngaviit paasissutissiissutigineqartut atorlugit Inatsisartut Naalakkersuisullu politikkiminnik ingerlatsinissaannut aqutsisut allat peqatigalugit iliuuseqarpoq. Aamma inatsisit akuerineqartut Akileraartarnermut Aqutsisoqarfiup suliassaqarfiani sulinerimi piviusunngortinneqartarlutik.

Akileraartarnermut Aqutsisoqarfik tassaavoq Namminersorlutik Oqartussani allaffeqarfiit ilaat aamma Aningaasaqarnermut Naalakkersuisoqarfiup ataanilluni. Aqutsisoqarfik naalakkersuisoqarfiup kiisalu Namminersorlutik Oqartussat ilaatut pimoorussisuuneq kiffartuussinermullu sammisaqarnissaq angurpaa.

Akileraartarnermi Aqutsisoqarfiup sullissinerimut periusissatut siunniussai [www.aka.gl](http://www.aka.gl)-imi atuarneqarsinnaapput.

# AAQQISSUGAANEQ INGERLATSINERLU

## **Pingaarnertut suliassat**

Akilerartarnermut Aqutsisoqarfik akileraarutinin akitsuutinillu akiliisitsiniartarnernik isumagisaqartarpoq. Akileraarusiinerimut akitsuusiinermullu suliassaqarfimmumt ilaappumt akileraarutininut A-nut aamma B-nut akileeqqusisarneq akileraarusiisarneerlu, siuoorneq, nalunaarsuineq, inunnik ingerlatseqatigiiffinnillu akileraarusiineq kukkuneruinerlu, akitsuuti amerlanerpaartaasa akileqquneqartarnerat nakkutigineqarnerallu, aqutsisoqarfiup nakkutigisaraattaq nioqqutissanik eqquusuinerimik nakkutillineq, taakkununga ilanngullugit ikiaroorartunik nakkutillineq. Akilerartarnermut Aqutsisoqarfiup soraarnerussutisiaqarnissamut aqqissuussinerimut pinngitsoorani ilaanissaq allaffissornikkumt aamma ingerlataraa.

Ullumikkumt Akilerartarnermut Aqutsisoqarfik suliffeqarfinnumt atatillugu nalunaarsorneqarnissamumt pisussaasuni nalunaarsuinerit, allannguinerit, taamaatitsinerit il.il. CVR-imumt (Inuusutissarsiummik Ingerlataqartunik Nalunaarsuiffik) allattoqarfittumt isumaginnippoq.

Akilerartarnermut Aqutsisoqarfiup, Namminersorlutik Oqartussanumt, kommunitumt, INI A/S-imumt, Nukissiorfinnumt il.il. kiisalu nunanumt avannarlernumt akiitsumt akilersinniarneqartarnerat isumagisarpai.

Covid-19-imumt tunngasumt ajornartorsiornermi suliffeqarnerimut ikiorsiissumt allaffissornera Akilerartarnermut Aqutsisoqarfik ataqatigiissaarisuuvoq.

Aammattaq sinerissami ilanngaaserinerup isumagineqarnissaa pillugu Tele-Post Mittarfeqarfiillu isumaqatigiissuteqarfigineqarput.



# 2020-MI PINGAARNERTUT SULINIUTIT


---

## Tamakkiisumik isigalugu

2020-imi Akileraartarnermut Aqutsisoqarfimmi sulineq matuma ataani taaneqartunik malunniuffigineqarsimavoq.

- **Suliassat pingaarnarpaat sammineqarneri.** Akileraarutinut, akitsuutinut aamma akiliisitsiniartarnermik suliassaqarfinnik ukkassineq, matumani ilanngullugu pinngitsoorani soraarnerussutisiaqarnissaq pillugu allaffissornikkut pisussaaffiit. Pinngitsoorani soraarnerussutisiaqarnissamut akiliutit aamma pinngitsoorani soraarnerussutisiaqarnissaq pillugit tamanut ammasumik paasisutissiissutiginera Akileraartarnermut Aqutsisoqarfiup immikkut ittumik ukkannikuuaa.
- **Covid-19-imi pissutsit kingunerisaasa aningaasaqarnikkut pakkersimaarneri.** Akileraarutinut A-nut aamma AMA inuussutissarsiutini suliaqarfiit immikkut ittuni 2020-imi upernaakkut Covid-19-p matunerata sivitsorneqarnerani akilernissaanut piffissaliussat kinguartinneqarput. Suliffeqarfinni aningaasarsianut taartisiat pillugit suliffeqarnermut ikiorsiissutit aqunneqarnerinut Akileraartarnermut Aqutsisoqarfiup taamatut suliaqarpoq. Covid-19-imi killilersuinerit pissutigalugit maniitsup Nuullu avataani illoqarfinni nunaqarfinnilu nakkutilliinermik akiliisitsiniarnermillu toqqaannartumik ornigullunilu Akileraartarnermut Aqutsisoqarfiup suliaqanngilaq.
- **Ataqatigiissumik aaqqissuussisimanermik pitsaanerulersitsineq.** Akileraartarnermut Aqutsisoqarfiup eSkatimik kiisalu suliffimmi suleriaatsinik periutsinillu ingerlaavartumik naleqqussaallunilu isumannaallisaanerivoq. Aningaasaqarnermut naatsorsuuserinermullu ataqatigiissumik aaqqissuussinerup nutaap, Prisme SEL, ukiup affaani siullermi tamakkiisumik eqqukkiartuaarnissaa naatsorsuutigineqarpoq.
- **Pappiliatigut allakkanit digitalikkut allakkanut.** Siumoortumik nalunaarsuinerit, inaarutaasumik ukiumullu naatsorsuinerit, akileraarusiinerit allagartaq allakkallu allat Akileraartarnermut Aqutsisoqarfimmeersunik nassiussinermut siunissami e-Boksip atorneqalernissaanut tunngatillugu piareersaataasumik suliaqarnermik Akileraartarnermut Aqutsisoqarfik aallartitsivoq. e-boksimik tamakkiisumik piviusunngortitsinissaq 2021-imi pissasq naatsorsuutigineqarpoq.

# AKILERAARTARNERMUT AQUTSISOQARFIK AAQQISSUGAANERA



## Paasissutissat tungaviusut

Akileraartarnermut Aqutsisoqarfik aaqqissuusaanikkut Aningaasaqarnermut Akileraartarnermullu Naalakkersuisoqarfiup ataani inissisimavoq. Akileraartarnermut Aqutsisoqarfiup suliassai pingaarnerit tassaapput akileraarutininik akitsuutinillu akiliisitsinerit kiisalu pisortanut akiitsunik akiliisitsiniartarnerit.

Suliffeqarfik pilersarusiornernik aammattaaq ingerlataqartarpoq soorlu ineriartortitsinernik, immikkoortortat akornanni iluarsartuussinernik pilersarusiornernillu annertuunik ingerlatsiviusarluni. Tassani suliassat suliffeqarfiup iluani avataanullu sammisut pineqarput.

Kiisalu suliffeqarfiup ataatsimut isigalugu ilisarnaatigaa, immikkoortortat akornanni ataatsimoorussillutik suliaqartarnerit, pingaartumik suliassanut annertuunut ulapiffiillu nalaanni sulisunik immikkut ilisimasalinnik immikkoortortat akornanni paarlaasseqatigiiffiusarluni.

Akileraartarnermut Aqutsisoqarfik aaqqissuusaanikkut sisamanik immikkoortortaqqarfeqarpoq:

- Aningaasaqarnermut immikkoortortaq
- Akileraaruserinermut nakkutilliinermullu immikkoortortaq
- Akiliisitsiniartarnermut immikkoortortaq
- Ataatsimoorussanik immikkoortortaq

Aamma ilanngaaserisut Ingerlatanut ineriartortitsivillu. Aqutsisoqarfimmi pisortap Akileraartarnermut Aqutsisoqarfimmi aqutsineq akisussaaffigaa.

### **Ingerlatanut ineriartortitsivik**

Aqutsisoqarfiup ataqatigiissumik aqqiissuussaanut pingaarnertut ataqatigiissumik aqqiissuussanut akisussaaffik, aqutsisoqarfiup iluarsartuullugu pilersarusiaanut ineriartortitsinermilu suliassaqarfiinut kiisalu suliassaqarfiit akimorlugit suliassanik ingerlatsinerit ataqatigiinnissaat qulakkiissallugit Ineriartortitsinermut Sulianillu Ingerlatsinernut Sullissiviup isumagisarai. Innuttaasunut sammisunik sulianik ingerlatsinermut pitsanngorsaanermik pingaartumik ukkataqartoq. Aqutsisunut kiisalu Aningaasaqarnermut Naalakkersuisoqarfimmut tunngatillugu allaffeqarfik siunnersuinerlu suliassanut ilaapput. Aalisarnermut akitsuutit, siku imerlu pillugit allaffissorneq akiliisitsiniarnerlu, nunap iluani imeruersaatiniq tunisassiornermut akitsuutit kiisalu akileraartarnermut akitsuutinullu naatsorsueqqissaarnerup iluani suliassat tigummivai. Nunat tamalaat akornanni isumaqatigiissutinut tunngatillugu oqartussaasutut piginnaasalittut kiisalu nunani tamalaani akornanni oqartussanit taakkunangalu paasisutissanik paarlaasseqatigiittarnermi Ineriartortitsinermut Sulianillu Ingerlatsinernut Sullissivik taamatut atuuppoq. Akileraartarnermut Aqutsisoqarfiup Namminersorlutillu Oqartussat iluanni kiisalu avataanit pisiortorfinnillu ataqatigiissaarnermik suleqatigiinnermillu 2020 Ineriartortitsinermut Sulianillu Ingerlatsinernut Sullissivik sunniuteqarfigineqarpoq. Pinngitsoorani soraarnerussutisiaqarnissaq aamma aningaasaatinit iluanaarutinut akileraarutit pillugit IT-kkut aqqiissutit sulissutigineqarput. Kiffap isumannaariartuaarnera sulissutigineqarpoq, tassa mailip eqqunneqarnera F2-mut toqqaannarlugu pivoq. Sullissivik aqutugalugu akileraarutinut tunngatillugu immiut kiffartuunneq paasisutissiinerlu 2020-mi aamma patajaallisarneqarput. Siumoortumik nalunaarsuinerit, inaarutaasumik ukiumullu naatsorsuinerit, akileraarusiinermut allagartaq allakkallu allat Akileraartarnermut Aqutsisoqarfimmeersunik nassiussinernut siunissami e-Boksip atorneqalernissaanut tunngatillugu piareersaataasumik suliaqarnermik Akileraartarnermut Aqutsisoqarfik aallartitsivoq. e-boksimik tamakkiisumik piviusunngortitsinissaq 2021-imi pissasoq naatsorsutigineqarpoq.

Covid-19-imut tunngatillugu pissutsit aamma kinguneraat, Namminersorlutik Oqartussat Kommunillu akileraarutitigut isertitaannut suliassakinnerunerup malitsigisaanik kinguneriumaagassat ilaatigut naatsorsornerinut tunngatillugu suliassaqarfiup immikkut ukkattariaqartumik ajornartorsiortitsilerneru.

### **Ilanngaaserisut**

Angalasunik tikittunik aallartunillu kiisalu nioqqutissanik eqqussinermi annissinermilu nakkutillineq Ilanngaaserisoqarfiup suliarai. 2020-mi aalakoornartup cigaritsillu akitsuuteqanngitsut eqqussuuneqarneri pillugu nakkutillineq ilatigut aalakoornartup 38 literip missaanniittup cigaritsillu kartonit 176-it arsaarinnissutaanerannik kinguneqarpoq. Tassunga atatillugu 82.900 kr.-init missaat akiliisitsissutigineqarput. Ikiaroomartunut aningaasanullu tunngatillugu nakkutillineq, ilaatigut ikiaroomartup 20 kg arsaarinnissutaaneramik aningaasallu 3,8 mio. kr.-init arsaarinnissutaaneramik kinguneqarpoq. Ikiaroomartuq aningaasallu suliarinninnerup ingerlaqqissaanut politiiunut tunniunneqarpoq. Akitsuuserinermi suliassap akitsuuserinermi periusissiami Inussuk 2018-2023-imi malitassiat malippai.

### **Aningaasaqarnermut immikkoortaq**

Immikkoortortami aqutsisoqarfiup akiliisitsiniarneri, akiliisarneri, akiliutigineqartunik, ilanngaassinernik, nalunaarsuineranik aamma akileraarutiniq akitsuutinillu aqutsinerata annertunersaanik isumaginnittoqarpoq. Taakku saniatigut Akileraartarnermut Aqutsisoqarfiup ingerlatsinermi naatsorsuutiniq isumaginnippoq. Aningaasaqarnermut immikkoortortaq Akileraartarnermut Aqutsisoqarfimmi paasisutisat amerlanersaanik suliaqarpoq. Aningaasaqarnermut ataqatigiissumik aqqiissuussinerup nutaap piviusunngortinneqarneranut Aningaasaqarnermut immikkoortortaqarfik 2020-imi ukkassisimavoq. Tamatuma kinguneraa suliassat tamarmik misissorneqarmata suliassallu pisoqalisimasut, akiliisitsissutigineqarsinnaanngitsut arlallit naammassineqarneri nalikillilernerillu suliarineqarput. Akiliisinnajunnaarnermik tunniussinermut ilaatigut Aqutsisoqarfik sukkanerujussuannagornikuvoq, tamatuma akiliinerit arlallit qulakkeertarpai, siusinnerusukkut akiliisitsiniarnermut aqutsisoqarfiup isumalluuterpassuit atortarpai - akiligassaqaalersimasoq sivisungaatsiartumik ataveqaqatigereerneratigut nalinginnaasumik akiliisinnajunnaarnerit piumasaqaataasarput.

### **Akileraaruserineq nakkutillinerlu**

Immikkoortortaq Kalaallit Nunaat tamakkerlugu sulivoq Maniitsumi, Sisiumini, Kangerlussuarmi aamma Ilulissani kiisalu Danmarkimi sulisoqarluni. Immikkoortortap suliassaqarfianiippit akileraartarnermut tunngasut tamarmik kiisalu innuttaasunut suliffeqarfinnillu ikiuineq ilitersuussinerlu, akileraartarnermut akitsuutinillu tunngasut iluanni suliffeqarfiit ingerlatseqatigiiffillu il.il. akileraaruserneri kukkunersiornerilu. Innuttaasut suliffeqarfiillu tamamik eqqortumik



---

akileraarummik akiliinissaasa qulakkeerneqarnissaa sammineqarpoq. Minnerunngitsumik sulisitsisunik nakkutilliinermi isumalluutiniq tamanna pisariaqartitsivoq, taamaalilluni paasissutissat eqqortumik piffissaagallartillugulu nalunaarutigineqarlutik. 2020-mi Akileraarutit Nakkutilliinerlu illoqarfiup avataani nakkutilliisimangillat Covid-19-imut angalanissamik killilersuinerit pissutigalugit. Taamaattumik Nuummi Maniitsumiillu immikkoortortaqaqarfinnit sulisitsisunik nakkutiginnineq taamaallaat suliarineqarpoq. Akileraarutit pillugit inatsimmik eqquutsitsinnginnernut 570.038 kr.-nik 2020-imi akileraarutinut akiliisitsisoqarpoq.

### **Akiliisitsiniartarnek**

Immikkoortortaq Akileraararnermut Aqutsisoqarfiup qullersaqarfiata avataani qullersaqarfeqarpoq taannalu Maniitsumiilluni. Innuttaasut suliffeqarfiillu Kalaallit Nunaani pisortanut akiitsuisa akilerneqarnissaasa qulakkeerneqarnissaanik immikkoortortaq suliassaqarpoq. Tamatumani saniatigut sulisitsisunik nakkutilliinissaq immikkoortortap pingaarutilittut suliassaraa. Sullissinermi immikkoortortap taassuma Kalaallit Nunaat tamaat sullitaraa ukiumullu marloriarluni Nuuk, ukiumut ataasiarluni Ilulissat angusarlugit taakkulu saniatigut ukiumut illoqarfiit arfineq pingasut-qulit. Immikkoortortap kiffartuussinerani pisortanut akiitsunik innuttaasut suliffeqarfiillu akilersuinissamut piginnaasaat sammuiarlugu akiitsuinut naleqqiullugu sunniuteqarnerpaanik sakkoqarluni innuttaasut suliffeqarfiillu kajumissaarnissaannut suliniut ilaatinneqarpoq. Taamaattumik aamma siunissami ungasinnerusumi inissisimanerminnik qanoq isumaginissinnaanerit pillugu innuttaasunik suliffeqarfinnillu siunnersuisoqarpoq.

Covid-19-imut angalanissamik killilersuinerit pissutigalugit Akiliisitsiniartarnermut immikkoortortaqaq 2020-mi Nuup Maniitsullu avataani suliqaqarnikuunngilaq. Tassunga akiliisitsiniartarnermut ataqatigiissumik aqqissuussineq nutaamut piareersarneq annertuumik iluarsaassinermit piumasaqaatinik pisoqalisunik arlalinnik ersissitsisumik kinguneqarpoq. Aningaasaqarnikkut ataqatigiissumik aqqissuussinerup nutaap piviusunngortinneranut aamma sulianik ingerlatsinerit ineriartortinneranut isumalluutit annertuut atorineqarput. 2020-imi suliniuteqarnerup akiitsut 14,6 mio. kr.-nit matussusernerinut akiliinerit kinguneraa.

### **Suliat ataatsimoorussat**

Suliat ataatsimoorussat pingaarnertut suliassat tassaavoq Akileraararnermut Aqutsisoqarfimmi sullissanut atatillugu kiinnernissaq, tassa innuttaasunut sullissinissaq. Taassuma saniatigut sulisut pillugit sulianut, akissarsianut nalinginnaasumillu allatsitut sulinermit atatillugu suliassat suliarisarpaat. Akileraararnermut Aqutsisoqarfimmut saaffiginnissutit akileraarnermut, akiliisitsiniarnermut, momsimumt allagartanik naqitsisarnermut, akitsuutinut, CVR-mut allanullu atatillugu tamarmik pingaarnertut innuttaasunut sullissivikkoortarput.

Ulluinnarni innuttaasunut sullissinerup saniatigut akileraarusiinerit suliassallu allat soorlu e-mailikkut oqarasuaatikullu saaffiginnissutit isumagineqartarput. Qaammatit tamaasa 2.000-t missingi Akileraararnermut Aqutsisoqarfiup saaffiginnittarfianut ornigullutik saaffiginnittarput. Ornigullutik saaffiginnittartut saniatigut agguaqatigiissillugit 150-it missingi ullut tamaasa immikkoortortaqaqarfiup toqqaannartumik oqarasuaataanut sianertarput. Saaffiginnittarfimmut sianertartut saniatigut namminersorlutik oqartussat nuutsitsisarfiannit nuutitsisoqartarpoq. Akileraararnermut Aqutsisoqarfiup mailikkut saaffiginnissutit qaammammut agguaqatigiissillugit 2.000-t tigusarpari.

Suliat ataatsimoorussat pingaartumillu innuttaasunik sullissineq piffissap ilaani ulaperuloornernik sunnerneqartarpoq piffissani innuttaasut nammineq nalunaarutinik tiguserinini, tassani soraarnerussutisiaqarnissamut aqqissuussinermit pinngitsoorani ilaanissaq pillugu suliassaq ingerlateqqinneqartarluni. Piffissani taakkunani innuttaasunit saaffiginninnerit amerlassusaat qaffattarput. Piffissami ulapiffiunnginnerusuni sulisut suliffiup iluani isumalluutaasarput, immikkoortortani allani suliassat ikilisinnissaannut ikiuttarlutik.

# 2020-MI INERNERIT AALAJANGERSIMASUT

Herunder en række nøgletal for Skattestyrelsens arbejde i 2020.

**Suliassaq** Akileraartarnermut Aqutsisoqarfiup Inatsisartut Naalakkersuisullu sinnerlugit akileraarutinut, akitsuutinut akiliisitsiniaanermullu tunngasut aqutarai, taamaalillunilu inatsisitigut isumannaatsuunissaq pingaartillugu ingerlatsinissamik qulakkeerinnilluni.

## AALAKOORNARTUT CIGARETSILLU

Aalakoornartunut cigarettinullu tunngatillugu nakkutilliineq ingerlateqqinneqarpoq, ilaatigut tamatuma nassataanik aalakoornartut 38 literit missanniittut cigarettillu kartonit 176-t arsaarinnissutigineqarsimapput. Tassunga atatillugu 82.900 kr.-t missaanni akiligassiissutigineqarput.

## IKIAROORNARTUT ANINGAASALLU

Ikiaroornartunut aningaasanullu tunngatillugit nakkutilliineq annertoq ilaatigut tamatuma nassataanik hashi sulianut 87-inut agguataarlugu 20 kg arsaarinnissutigineqarsimavoq.

Taakku saniatigut aningaasat 3.883.375 kr.-usut arsaarinnissutigineqarsimapput politiinullu suliareqqitassanngortinneqarsimallutik.

## KUKKUNERSIUINERMUT SULIAT

Aqutsisoqarfiup kukkunersiuinermut allaffiata 2020-imi suliat 1.255-it (2019-imut 1.714-nut sanillullugu) misissorsimavai. Suliat 490-it 334,5 mio. kr.-nik qaffaanermik kiisalu suliani 416-iusuni 117,6 mio. kr.-nik appaanernik inerneqarsimapput.

## AKILERAARUTITIGUT NAATSORSUUTIT

Akileraartarnermut Aqutsisoqarfiup 2020-ip ingerlanerani akileraarusiinernit paasisstissat ukioq akileraarfusoq 2019 pillugu nalinginnaasumik akileraarutitigut naatsorsuutit inunnut 48.623-nut sularisimavai.

Tamatuma saniatigut inunnut ataasiakkaanut sullinneqarnerup il.il. kingunerisaanik katillugit 2.787-it inaarutaasumik naatsorsuutit allanngortitat sularineqarput.

## AKILERAARUTINUT AKILIISITISSUTIT

Akileraartarnermut Aqutsisoqarfik 2020-imi suliat 200 missaaniittut akilersinniarneqarnissaanut tunngavissaqarnersut nalilersorpai.

2020-imi suliat 20-it akiliisitsinermik inerneqarput, suliallu 8-t politiinut suliareqqitassanngortinneqarlutik.

## AKILERAARUTIGUT NAATSORSUUTIT

Ukioq akileraarfusoq 2019-imut suliffeqarfiit pillugit akileraarutitigut naatsorsuutit katillugit 1.375-it nassiunneqarput, kiisalu 2019-ip ingerlanerani akileraarutitigut naatsorsuutit katillugit 199-it allanngortinneqarput.

# 2020-MI ALLANNGUINERIT

## Suliffiup iluani allannguinerit

Covid-19-imik matusinerup kinguneranik 2020 ukiuvoq aalajaatsumik ingerlatsinermit ukkatarinniffiusoq. Sulisitsisunik nakkutilliinissamut Akileraartarnermut Aqutsisoqarfiup periarfissaanut kiisalu aqutsisoqarfiup innuttaasunik toqqaannartumik oqaloqateqarnissamut periarfissaqarneranut Covid-19 annermik sunniuteqarsimavoq. Nalinginnaasumik killilersuinerit pissutigalugit akiliisitsiniarluni angalanissaq akornuserneqarsimavoq, tamatumalu kinguneraa angalanikinnerneq akiliisitsiniarlunilu annikinnerusumik suliaqarneq.

Kalaallit Nunaannut/-niit nunanut allanut timmisartornerit piffissani matuneqarneri pissutigalugit, 2020-imi Ilanngaaserisoqarfiup ikinnerusunik arsaarinnissuteqarpoq. Taarsiullugu talittarfinnut pulammagissani najuunnerit angallatillu tikittut kiisalu nassiussat allakkallu Ilanngaaserisoqarfiup aallunneruai.

Digitalinngortitsinermit Periusissiaq 2018-2021 'Inuiaqatigiit digitalimik atuisut' pisortat akimorlugit suleqatigiinnissamut piumasaqarpoq, taamaalilluni digitalikkut aaqqiissuteqarnerit immikkoortut suliaqartullu akimorlugit ingerlasinnaaqqullugit. Ataqtigiissumik aaqqissuussat nutaat ingerlatinniarlugit aningaasaqarnermut ataqtigiissumik aaqqissuussinermit nutaamut, Sullissivimmu Digitalikkullu Allannut tunngatillugu Akileraartarnermut Aqutsisoqarfiup ingerlatsisut allat peqatigalugit annertuumik suliniuteqarpoq.

Akileraarutinit tunngasunut Akileraartarnermut Aqutsisoqarfik digitalikkut pingasut imminut kiffartuunnissamut aaqqiissuteqarpoq; "Akileraarutikka" Sullissivik.gl aqutugalugu, Akileraartarnermut Aqutsisoqarfiup Imminut kiffartuuffia ilisarnaatit paasiuminaallisakkat naqittakkat aka.gl aqutugalugu aamma sulisitsisut nalunaarsorneqarfiat sulinal.nanoq.gl aqutugalugu. Sullissivik.gl-imi "Akileraarutikka" atoqqullugu Akileraartarnermut Aqutsisoqarfiup innuttaasut kaammattorpai, NemID-imik nalunaaruteqarneq isumannaannerujussuimmat.

Ukiumut 2019-imut akileraarfiusumut innuttaasut 8.493-it "Akileraarutikka" Sullissivik.gl-miittoq atorsimavaat, innuttaasullu 3.462-t imminut kiffartuuffik ilisarnaatit paasiuminaallisakkat naqittakkat atorsimavaat. Aka.gl aqutugalugu ilisarnaatit paasiuminaallisakkat naqittakkat atorlugit imminut kiffartuuffik ukiuni aggersuni atorunnaariartussaaq. Imminut kiffartuunnermi suleriaatsip assigiinnerulernissaa, kiisalu digitalikkut periarfissanik atuinerup digitalikkullu isumannaassutsip paasissutissanillu illersuinerup ingiaqatigiinnissaat Akileraartarnermut Aqutsisoqarfiup sulissutiginiarpaa.

Akileraarutit, akitsuutit pinngitsooranilu soraarnerussutisiassat iluanni ataqtigiissumik aaqqissuussatut innuttaasunut allaffeqarfimmullu ingerlanermikkut inatsisitigit timitalerneqarnissaat Akileraartarnermut Aqutsisoqarfiup isumagisarai. Pinngitsoorani soraarnerussutisiassanut tunngaviusoq aamma IT-mut ataqtigiissumik aaqqissuussineq nukittorsarniarlugu 2020-imi annertoorujussuarmik nukinnik atuisoqarpoq.



---

### Allannguinerit avataaneersut - Naalackersuisooqatigiinnissamut isumaqatigiissut 29. maj 2020.

Maj 2020-mi Siumut, Demokraatit aamma Nunatta Qitornaasa akornanni naalackersuisooqatigiinnissamut isumaqatigiissut atsiorneqarpoq - qinigaaffik 2018 - 2022-imut atuuttussaq. Naalackersuisooqatigiinnissamut isumaqatigiissummi akileraartarnermut akiitsunullu tunngasut ilanngunneqartoq tassaavoq:

*"Peqatigiiffinni nammineq kajumissutsimik sulinermi ilanngaammik eqqussisoqarnissaanut periarfissat misissorneqassapput, tassanilu timersornermut, kulturimut, isumaginninnermut pinaveersaartitsinermullu siunertaqartuni peqatigiiffinni sulineq akileraartarnikkut iluaquserneqartassaaq."*

Aningaasaqarnermut Naalackersuisoqarfik Akileraartarnermut Aqutsisoqarfiullu ukiaanerani 2020-mi peqatigiiffinni nammineq kajumissutsimik sulinermi ilanngaammik eqqussisoqarnissaanut inatsisinnorsinnaanera misissorpaat.

### Allannguinerit avataaneersut - Inatsisit sinaakkusiussallu.

2020-mi akileraartarnermi inatsisit uku akuerineqarput:

- 2021-mut aningaasanut inatsisissamut siunnersuutip, 2021-mut nuna tamakkerlugu akileraarutip aamma nuna tamakkerlugu immikkut akileraarutip akuersissutiginnissaanut killigitat sivitsorneqarnerat pillugit Inatsisartut inatsisaat nr. 4, 13. november 2020-meersoq.
- Sulisoqarnermut akitsuut pillugu Inatsisartut inatsisaata allanngortinneqarnera pillugu Inatsisartut inatsisaat nr. 9 af 19. november 2020-meersoq (Erninermi aningaasaateqarfimmik aningaasalersuinissaq il.il.).
- Pisortat akiliisarneri il. il. pillugit Inatsisartut inatsisaat nr. 10, 19. november 2020-meersoq.
- Feriarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. 11, 19. november 2020-meersoq (Kisitseriaatsip toqqammavianik allanngortitsineq).
- Aningaasarsianit akileraarutip pillugit Inatsisartut inatsisaata allanngortinneranik Inatsisartut inatsisaat nr. 12, 19. november 2020-meersoq. (Ingerlatseqatigiiffiit akileraarutaanik appaaneq soraarnerussutisianullu maleruagassat ilaannik allannguneq).
- Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarnera pillugu Inatsisartut inatsisaat nr. 13, 19. november 2020-meersoq (Atuuffissaasa annikillisinneqarnerat).
- Soraarnerussutisialernissamut aqqjissuussinermit peqataasussaatitaaneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. 18, 30. november 2020-meersoq.
- **Suliassaqarfik 20 – 24-mut Aningaasaqarnermut Naalackersuisoqarfik aamma Akileraartarnermut Aqutsisoqarfik.** Akileraartarnermut akiliisitsiniartarnermut tunngasut, tassunga ilanngullugit eqqartuussivilersuussinerit, akiliisinnaajunnaarnermik nalunaarutiginninnerit il.il. Aningaasaqarnermut Naalackersuisoqarfimmit akisussaaffigineqarput. Konto pingarneq una pilersinneqarpoq akiliisinnaajunnaarnermik nalunaarutiginninnerit il.il. kingunerisaanik suliassanngortut kiisalu Akileraarutiniq Aalajangiisartut aalajangigaasa eqqartuussivikkoortumik aalajangiiffigeqqinniagassanngortinnissaanut aningaasassaqaarnissaq qulakkeerniarlugu. Oqaasertaliussat AI 2019-imit iluarsineqarlutik ingerlateqqitaapput.
- **Konto pingarneq 24.01.01-imut, Akileraartarnermut Aqutsisoqarfik, allaffissorneq, nassuiaatit.** Akileraartarnermut Aqutsisoqarfiup IT-kkut atortorissaarutai, e akileraarneq ilanngullugu, ingerlaavartumik

---

ineriartortinneqassapput ingammillu nutaamik inatsisiliornerup imaluunniit allannguuteqartitsinerup malitsigisaanit naleqqussarneqarlutik. Ineriartortitsinermik suliat ilaanneeriarlutik ukiunik aningaasanut inatsiseqarfiusunik arlalinnik sivilissuseqarsinnaasarpur, taamaammallu eqaannerulersitsinissaq pisariaqarpoq. Nutaamik ERP-atortorissaarummik pisaarnissaq kiisalu ukiuni aggersuni annertuunik iluarsartuussinissaq eqqarsaatigalugu, IT-kkut atortorissaarutini ineriartortitsinissaq naleqqussaannissarlu ilimagineqartariaqarput. Suliassat taamatut annertussusillit ukiup aningaasanut inatsiseqarfiusup ataatsip iluaniitiinnarnissaat naammannaviannigilaq. Oqaasertaliussat AI 2019-imit iluarsineqarlutik ingerlateqqitaapput.

● **Siunertamut konto 24.10-mut, Toqqaannartumik akileraarutit**

- Nr. 1. Nunamut tamarmut akileraarutip procentia Inatsisartut inatsisaanni nr. 12, 2. november 2006-imeersumi § 61, imm. 2 naapertorlugu 2020-mi 10-ussasoq aalajangerneqarpoq.
- Nr. 2. Nunamut tamarmut immikkut akileraarutip procentia Inatsisartut inatsisaanni nr. 12, 2. november 2006-imeersumi § 64, imm. 2 naapertorlugu 2020-imi 26-ussasoq aalajangerneqarpoq.
- Nr. 3. Suliffeqarfiit nunanit allaneersut tamarmik akuersissutit assigisaalluunniit aqutugalugit Kalaallit Nunaanni ingerlatsisut Suliffeqarfinnik Qitiusumik Nalunaarsuiffimmi Kalaallit Nunaanni Danmrkimiluunniit angerlarsimaffeqartutut nalunaarsorsimassapput.
- Nr. 4. Ingerlatseqatigiiffiit filmiliornermik suliallit Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi § 1, 19-21 aamma 27-mi nioqqutissanut taaneqartunut eqqussuinermi ukiumi akileraarutinit A-nut, suliffeqarnermut akitsuutinit aamma eqqussuinermut akitsuutinit akiliutigineqartunut kiisalu Qamutit motoorillit akileraarutaat pillugit Inatsisartut inatsisaat nr. 3, 16. juni 1987-imeersoq malillugu Kalaallit Nunaanni filmimik arlalinnilluunniit immiussinermit, tunisassiornermut il.il. atatillugu filmiliorfiup akiliutigisimasaanut 10 mio. kr.-nit angullugit utertoorsinnaanerannut neriorsuiffiginissaannik Naalakkersuisut piginnaatinneqarput.
  - Utertoorutissanik tunniussisoqassappat piumasarineqarpoq:
  - 1. Qaammatsiutit malillugit ukiumi ingerlatseqatigiiffiup filmiliornermik suliallip akileraarutinit akitsuutinullu akiliutigisimasai 3 mio. kr.-inik qaangiissangitsut.
  - 2. Qaammatsiutit malillugit ukiup naaneraniit kingusinnerpaamik qaammatit pingasut qaangiutsinnagit qinnuteqaammik ukiup siuliani akileraarutinit akitsuutinullu akiliuteqarsimanermit uppersaattissanik ilalimmik Akileraartarnermut Aqutsisoqarfimmut nassiussisoqassaaq.
- Nr. 5. Soraarnerussutisiaqarnissamut aqqissuussinermit pinngitsoorani ilaanissaq pillugu Inatsisartut inatsisaanni § 7, imm. 3 malillugu tapiissutaasut ukiumi tapiissutigineqartut tunniunneqarfianni akileraarutaagallartussatut isigineqarnissaat pillugit Naalakkersuisut akuersissuteqarnissaminnut piginnaatinneqarput.

● **Siunertamut kontomut 24.10-mut, Toqqaannartumik akileraarutit, nassuiaatit.**

- Nr. 1. Aningaasarsianit akileraarutit pillugit inatsit kingullermik Inatsisartut inatsisaatigut nr. 22 28. november 2018-imeersutigut allanngortinneqarpoq. Akileraarutip procentia ukiut tamaasa aningaasanut inatsisip akuersissutigineqarneranut atatillugu aalajangersarneqartarpoq, taamaaliornikkummi eqaannerusumik sulisoqarsinnaasarmat aningaasanut inatsisissap aappassaaneerineqarnerani pingajussaaneerineqarneranilu allannguutissatut siunnersuutit aningaasalersornissaannut atatillugu. Akileraarutip procentiata 10-iunissaanik siunnersuuteqarnikkut nunamut tamarmut akileraarutitigut isertitassat 2020-imi katillugit 1.125,5 mio. kr.-unissaat naatsorsuutigineqarpoq. Akileraarusiisarnikkut maleruagassat allanngortinneqanngippata, akileraarutit procentiata ataatsip ukiumut 101,3 mio. kr.-missaanik isertitaqaataanissaa naatsorsuutigineqarpoq. Oqaasertaliussat AI 2019-imit ingerlateqqitaapput.
- Nr. 2. Nuna tamakkerlugu akileraarutit assigalugu nuna tamakkerlugu immikkut akileraarutit aningaasanut

---

inatsisissap akuersissutigineranut atatillugu aalajangersarneqartarpoq. Nuna tamakkerlugu immikkut akileraarut kommunit aggornerisa avataanni Akileraarnermut Aqutsisoqarfimmit akileraarfissatut isigineqartuni akileraartussaaitaasunit akileraarutigineqartarpoq, tassanilu pingaartumik Pituffik pineqarpoq. Akileraarutip procentiata 26-unissaanik siunnersuuteqarnikkut nunamut tamarmut akileraarutigut isertitassat 2020-mi katillugit 75 mio. kr.-unissaat naatsorsuutigineqarpoq. Akileraarusiisarnikkut maleruagassat allanngortinneqanngippata, akileraarutip procentiata ataatsip ukiumut 2,4 mio. kr.-nik isertitaqaataanissaa naatsorsuutigineqarpoq. Oqaasertaliussat AI 2019-imit ingerlateqqitaapput.

- Nr. 3. Aningaasarsiat akileraautit pillugit inatsisartut inatsisaanni nr.12-imi 2. november 2006-imeersumi § 2 imm- 2-5 aamma § 3 imm. 3 kinguisinnerusukkullu allannguutaasimasut naapetorlugit akileraarutigut isertitaqartalernissaq qulakkeerniarlugu oqasertaliinik suliffeqarfiit nunanit allaneersut siulianipineqartut CVR-imut nalunaarsorneqarsinnaalernissaat inatsisitigut tunngavissaqalerpoq. Oqaasertaliussat AI 2019-imit ingerlateqqitaapput.
- Nr. 4. Nunarpassuit namminneq nunaminni minnerunngitsumik filminik aliikkutassianik immiussisoqarnissaa pillugu ingerlatseqatigiiffinnut filmiliornermik sulialinnut ussassaarisarput, matumani assilineqarsimasut namminneq nunaminnik pilerisaarinissap nunani allani takuneqarnissaa neriuutigalugu. Assersuutigalugu Island aamma Norge utertitsisoqartarnissaanut aaqqissuussinernik atuilersimapput. Aaqqissuussinerit assigiinngillat, nunalli marluullutik akileraarutinut tunngasunik aallaaveqarnissaaq ilimanarpoq. Oqaasertaliussat aqutugalugit nunatsinni filminik immiussinissap tunisassiornissallu il.il. pilerinarnerulernissaa siunertarineqarpoq, tamannalu aqutugalugu Nunatta nunani allani ilisimaneqarnerulernissillugu. Taamatut aaqqissuussineq aqutugalugu ingerlatseqatigiiffiit filmiliornermik suliallit nunanit allaneersut soqutiginninnerulissapput, tamannalu aqutugalugu kalaallit isiginnaartitsisartut, teknikerit allallu suliffissaqartinnissaat annerulersillugu aamma kalaallit taamatut suliallit suliassaannik nutaanik periarfissillugit. Ingerlatseqatigiiffik filmiliornermik sulialik tassaavoq inatsisitigut pisinnaatitaaffilik filmertarfinni imaluunniit tv-kkut siammarteriffiusuni takutitsisarnissaq siunertaralugu filminik aliikkutassianik piviusulersaarusanillu immiussinissamik, tunisassiornissamik aamma pilerisaarinissamik siunertalik. Akileraarutinut A-nut akitsuutinullu ingerlatseqatigiiffiup filmiliornermik suliallip nammineerluni akilersimasai kisimik utertitsinissamut aaqqissuussinermut ilaapput. Akileraarutinut A-nut akitsuutinullu assersuutigalugu ingerlatseqatigiiffiup allap akilersimasai matumunnga ilaanngillat. Neriorsuisoqarnissaanut qinnuteqaatit ingerlaavartumik akileraaruseriffimmut tunniunneqarsinnaapput. Akileraarutinik akitsuutinullu utertitsisoqarnissaa pillugu akileraaruseriffiup aalajangiinissaa sioqqullugu filminut allatullu kulturikkut sulianut tapiissuteqartoqarsinnaanera pillugu sulianik suliarinnittartunut akisussaasumut oqaaseqaammik piniartoqaqqaassaaq, tassanilu paasinianeqassaaq siuliani taaneqartutut ingerlatseqatigiiffik filmiliornermik sulialik pineqarnersoq. Allaffissornikkut atugassarititat tunngavigalugit siunnersuutigineqarpoq ukiumut ataasiaannarluni utertitsisoqarnissaanut qinnuteqartoqartassasoq, tamannalu ukiup qaammatsiuteqarfiusup naanneraniit qaammatit pingasut qaangiutsinnagit pisassaaq. Ulloq piffissaliussaaq qaangerneqarpat utertitsisoqarsinnaanera periarfissaajunnaassaaq, naak Naalakkersuisut neriorsuereersimagaluartut. Ingerlatseqatigiiffiup filmiliornermik suliallip namminersortup ukiumut qaammatsiuteqarfiusumut ataasiinnarmut 10 mio. kr.-nit angullugit akileraarutinut A-nut akitsuutinullu utertitsiffigineqarsinnaanissaa siunnersuutigineqarpoq, aningaasallu 3 mio. kr.-nit qaangersimappatigik aatsaat ukiumut qaammatsiuteqarfiusumut utertitsissutissat tunniunneqarsinnaassallutik. Oqaasertaliussat nutaajupput.

- **Siunertamut kontomut 24.10-mut, Toqqaannartumik akileraarutit, nassuiaatit.**

- Nr. 5. Soraarnerussutisiaqarnissamut aaqqissuussinermut pinngitsoorani ilaanissaaq pillugu Inatsisartut inatsisaata aqunnissaanut akileraaruseriffiup suliassaasa ikinnerulernissaat aalajangersakkani siunertarineqarpoq. Innuttaasoq ukiumi aningaasarsiorfiusumi soraarnerussutisiaqarnissamut aaqqissuussinermut naammattunik akiluteqarsimangippat akileraaruseriffik ukiup tulliani innuttaasumut qinnuiginnissaaq aningaasanik nikingassutaasunik akiluteqatigullugu. Qinnuiginnittoqarneranut innuttaasoq malinninniannngippat akileraaruseriffik skattekortimik nutaamik imaluunniit akileraarutissat allagartaannik nutaanik (akileraarutinut B-nut) tunniussisnaavoq, tassanilu nikingassutaasoq ilanngaattissap procentianut tapitut akiligassiissutigineqassaaq. Akileraaruseriffik skattekortimik ilanngaattissamik procentimik annermik pillimmik tunniussaqaarsimappat sulisitsisoq innuttaasumut tunniussinermi akileraarutinut A-nut anginerusumik akiliisitsissaaq. Sulisitsisoq nassuiaassaaq akiligassanngortinneqartullu akileraaruseriffimmut akilerlugit. Akileraaruseriffik akileraarutissat allagartaannik tunniussaqaarsimappat innuttaasoq nammineerluni akiligassanik akileraaruseriffimmut akiluteqassaaq. Siunnersuutip kingunerissavaa aningaasat

---

akilerneqartut tamakkerlutik, apeqqutaanani akileraarutinut A-nut B-nulluunniit tunngassuteqarnersut, akileraarutaagallartutut isigineqassammata. Tamatumalu kingunerisaanik akileraarutinut akiliutaavallaarsimasut Akileraaruserinermik ingerlatsineq pillugu Inatsisartut inatsisaanni § 25-imi malittarisassat malillugit tunniunneqartussanngornerat. Taamatut pisoqarnerani innuttaasoq assersuutigalugu aalajangersakkani imm. 2 malillugu 2 procentimik aningaasanik tunineqarnissamik piunasaqarsinnaavoq. Innutaasup malugisimappagu isertitarisartakkani skattekortip akileraarutinulluunniit allagartap tunniunneranni tunngavimmikkut malunnartumi allanngorsimasut innuttaasoq taakkua allanngorteqqullugit akileraaruseriffimmut qinnuiginnissinnaavoq, takuuk inatsisartut inatsisaanni § 14. Aamma inatsisartut inatsisaanni § 15-mi aalajangersakkat soqutiginaateqarsinnaapput, matumani innuttaasoq ukiup ingerlanerani imaluunniit kingusinnerpaamik akileraaruseriffiup nammineerluni nalunaarsuiffimmik tiguserata qaammatip ataatsip qaangiutinnginneratigut akileraarutaagallartunut akiliuteqarpallaarsimasutut misigisimappat. Siunnersuut aqutugalugu suliassaqarfimmi tassani akileraaruseriffiup suliassai malunnartumik ikilisinneqassapput. Innuttaasumut tunngatillugu pineqartup aningaasaatikinnerulerneranik siunnersuut sunniuteqassaaq. Aamma tamanna innuttaasup Soraarnerussutisiaqarnissamut aqqissuussinnermut pinngitsoorani ilaanissaq pillugu Inatsisartut inatsisaat malillugu pisussaaffimminik naammasinninniarluni naammattumik akiliuteqarnerata kingorna piffissaq qaangiutereeraluortoq atuuppoq, tamannalu aamma skattekortimik nutaamik imaluunniit akileraarutissat allagartaannik nutaamik tunniussisoqarnissaa tikillugu atuuppoq. Oqaasertaliussat nutaajupput.

- **Kontumut pingaarnermut, 24.10.10 Nuna tamakkerlugu akileraarut.** Aningaasarsianik akileraarutit pillugit Inatsisartut inatsisaanni nr. 12, 2. november 2006-imeersumi § 60, imm. 1-2-mi ingerlatseqatigiiffinnut akileraarummut akigitataq 25 %-imut aalajangersagaavoq. Oqaasertaliussat ukiumut aningaasarsiorfiusumut 2020-mut atuupput.
- **Kontumut pingaarnermut, 24.10.10 Nuna tamakkerlugu akileraarut, nassuiaatit.** 2020-mut Aningaasanut Inatsit pillugu Isumaqatigiissutip kingunerisaanik oqaasertaliussat ilanngunneqarput. Oqaasertaliussat kinguneraat ingerlatseqatigiiffinnut akileraarutinut akigitat § 60, imm. 1-2-mi 25 procentinut aalajangerneqarmata. Oqaasertaliussat ukioq aningaasarsiorfiusoq 2020-miit atuutilerput. Ukiumut aningaasarsiorfiusumut 2020-mut ingerlatseqatigiiffinnut akileraarut ukiumi akileraaruseriffiusumi 2021-mi akilerneqassaaq. Aningaasarsianit akileraarutit pillugit inatsimmi § 60, imm. 1-imi ingerlatseqatigiiffiit tamakkiisumik ilaannakortumillu akileraartussaasut isertitamik akileraarusigassat 30 procentiinik ingerlatseqatigiiffiit akileraarutaannik akiliisassapput. Imm. 2-mi aalajangersakkami ingerlatseqatigiiffiit, Kalaallit Nunaanni atorussiasat aatsitassanit il.il. pisut pillugit inatsit naapertorlugu misissuinissaminnut imaluunniit paaanissaminnut akuersissummik peqartut, imaluunniit sernip ergullu avammut nioqutissatut atorneqarnissaat pillugu Inatsisartut inatsisaat naapertorlugu akuersissummik peqartut, isertitanik akileraarusigassat 30 procentiinik ingerlatseqatigiiffiit akileraarutaannik akiliisassapput. Oqaasertaliussat kingunerissavaat ingerlatseqatigiiffinnut akileraarut 5 procentpointinik appartinneqassammata. Ingerlatseqatigiiffinnut akileraarutinut akigititap aningaasarsianit akileraarutit pillugit inatsisartut inatsisaanni atuarneqarsinnaanissaa kissaatiginarpoq. Periarfissaq siulleq atorlugu aningaasarsianit akileraarutit pillugit inatsisartut inatsisaanni allannguutit ilanngunnissaa pillugu allannguutissatut siunnersuummik saqqummiussisoqarnissaa Naalakkersuisut sulissutigissavaat. Inatsisissatut siunnersuut aatsaat 2020-mi upernaakkut ataatsimiinnissamut piareernissaa ilimagineqarpoq. Oqaasertaliussat nutaajupput.
- **Konto pingaarneq 24.11.10-mut Nioqutissanik eqqussuinermit akitsuutit.** Nioqutissanik eqqussuinermit akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataitanerit qamutininut motoorilinnut taamaallaat innaallagissamik brintimilluunniit ingerlateqartunut, kiisalu plug-in-hybridbiilinut, batteriinik innaallagissamik immeqqinneqarsinnaasunik ingerlateqartunut 1. januar 2021 tikillugu atuutsinneqassanngillat.
- **Konto pingaarneq 24.11.10-imut Nioqutissanik eqqussuinermit akitsuutit pillugit nassuiaatit.** Qamutit motoorillit taamaallaat innaallagissamik brintimillu ingerlatillit eqqunneqarneranni nioqutissanik eqqussuinermit akitsuummik aamma qamutit motoorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutinut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontumullu pingaarnermut matumunnga oqaasertaliussatigut kingullermik 31. december 2020 tikillugu sivitsorneqarluni. Oqaasertaliussat AI 2019-imit iluarsineqarlutik ingerlateqqaapput.

- **Kontumut pingaarnermut, 24.11.12 Raajanut akitsuutit.** Kalaallit Nunaanni aalisarnermi pisarineqartut isumalluutiniq atuinermut akitsuutaat pillugit Inatsisartut inatsisaat nr. 46, 23. november 2017-imeersumi § 6, imm. 2 naapertorlugu raajanut Svalbardip Brentillu imartaani pisanut akitsuutip procentia raajat Svalbardip Brentillu imartaani pisat akiisa agguaqatigiisinnerat aallaavigalugu aalajangersarneqassaaq. Oqaasertaliussaq raajanut ukiumi 2020-mi pisarineqartunut atuuppoq.
- **Konto pingaarneq 24.11.12 Raajanut akitsuutit.** Raajarniarinnaanermut isumaqatigiinniernerup ilaattut Kalaallit Nunaat Svalbardimi Barentillu imartaani raajartassinneqarpoq. Taakkuninnga raajanik tunisinermi akit Kalaallit Nunaanni raajarniarnerup akiinit appasinnerusut paasineqarpoq. Sumiiffimmi raajat mikinerunerat kiisalu kilisaatit sumiiffinni taakkunani raajarniartartut raajanik suliarinninnissamut atortorissaaruteqannginnerat tamassumunnga pissutaapput. Ullumikkut Svalbardimi Barentillu imartaani raajarniarneq iluanaarutitakippoq. Akit appasinnerisa saniatigut aalisarfiit Kalaallit Nunaannit ungasinnerunerat pissutigalugu pisanut aningaasartuutit qaffasinnerunerat tamatumunnga pissutaapput. Peqatigisaanillu umiarsuaatileqatigiiffiit raajarniarnermut akigitaasa agguaqatigiisinnerat tunngavigalugu pisuussutitut akitsuummik akiliisussaaneqatigalugu akilersinnaassusaa annikillineqarluni. Svalbardimi Barentillu imartaani raajarniarnermit tunisat tunngavigalugit akitsuummup procentimut immikkut naatsorsuinikkut ajornartorsiutit ikilisarneqarsinnaapput. Tamanna aalisarnerup akilersinnaassusaanut sunniuteqassaaq, pissutigalugu kilisaatit Svalbardip Barentillu imartaani maannamut raajarniaqataasimasut taamaattut aalisarnissamut naleqqunneqanngimmata. Oqaasertalersuinikkut Svalbardip Brentillu imartaani raajarniarnermut akitsuutip procentianut 17,9 pct.-imit 8 pct.-imut appartitsinissaq naatsorsuutigineqarpoq. Kiilumut aki 19,50 kr.-imiinnassappat 2019-imilu pisassiissut amerlaqatigippassuk iluanaarutissat 2,9 mio. kr.-inik ikilissangatinneqarput. Tamannalu aalisarnerup iluatsinngitsoorsinnaaneranut ataqatigiisinneqassaaq, iluatsinngippallu annaassat. 2,3 mio. kr.-inik ilaqqissinnaapput. Oqaasertaliussaqarnissap pisariaqassusaa 2021-imut aningaasanut inatsissap suliarineqarnerani nalilersoqqinneqassaaq, pissutigalugu taamatut iliuseqarnissaq piffissami aalajangersimasuinnarmi ingerlanneqarnissaa naatsorsuutigineqarmat. Oqaasertaliussat nutaajupput.
- **Konto pingaarnermut 24.11.14-imut Naqissusiinermut akitsuutit.** Naqissusiinermut akitsuuteqartitsinnginneq Royal Arctic Line A/S-ip Nuuummi umiarsualivimmim illuutaasa namminersorlutik oqartussanut tunniunneqarneranut atatillugu suliarineqartut allagaatit, taarsigassarsineri uppersaasatit, allatat atsiorerillu il.il. kingornalu illut akeqanngitsumik suliffeqarfimmumt immiut pigisumut pilersinneqartussamut tunngatillugu Inatsisartut inatsisaat nr. 25, 28. november 2016-imeersoq naapertorlugu Namminersorlutik Oqartussanit pilersinneqartumut pisortanut naqissusiinermi akitsuutiniq akiliissangilaq.
- **Konto pingaarneq 24.11.14-imut Naqissusiinermi akitsuutinut nassuiaatit.** Royal Arctic Line A/S-ip illuutiniq oqaasertaliussani taaneqartunik suliffeqarfimmit nammineq pigisumut soorlu takornarianut saaffiginniarfimmik pilersitsinissamuta atugassatut tunniussinnaaera oqaasertaliussakkut periarfissiissutigineqarpoq. Illuutiniq tunniussinermut atatillugu Royal Arctic Line A/S-ip suliffeqarflluunniit nammineq pigisup illuutiniq tiguisup naqissusiinermi akitsuutiniq akiliisariaqarnissaa oqaasertaliussakkut periarfissiissutigineqanngilaq. Oqaasertaliussat AI 2019-imit ingerlateqqitaapput.
- **Konto pingaarneq 24.11.20-mut, Akitsuutit, akiliilluni aallaaniarneq aalisarnerlu.** Piniarneq aallaaniarnerlu pillugit Inatsisartut inatsisaani nr. 12, 29. oktober 1999-imeersumi akiliilluni aallaaniarneq pillugu § 7 naapertorlugu aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4 naapertorlugit akiliutigineqartussat makku aalajangersarneqarput: Akuersissummut ataatsimut akiliut imatut aalajangersarneqarpoq: Umimmaat, ataaseq 2.000 kr. Tuttut, ataaseq 1.000 kr. Piniagassanut minnernut akuersissut, ullormut 200 kr. Piniagassanut minnernut akuersissut, sap.akunneranut Aalisarsinnaanermut akuersissut, ullormut 75 kr. Aalisarsinnaanermut akuersissut, sap.akunneranut 200 kr. Aalisarsinnaanermut akuersissut, qaammammumt 500 kr.
- **Konto pingaarneq 24.11.20-mut, Akitsuutit, akiliilluni aallaaniarneq aalisarnerlu, nassuiaatit.** Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7-imit aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4- mit kinguneqartumik oqaasertaliussat pilerput, inatsisinilu aalajangerneqarpoq akiliutissaq aningaasanut inatsimmi aalajangersarneqassasoq. Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7 aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4 misissoqqinneqarpata akiliutigineqartartunut aalajangersagaq aningaasanut inatsimmit peerneqassaaq. Oqaasertaliussat AI 2019-imit ingerlateqqitaapput.



# KALAALLIT NUNAANNI AKILERAARUTIT 2020 - TAMAKKIISUMIK PAASISAQARNEQ


	Aningaasallissutit 2020	Atuineq 2020	Assigiinngissut	Atuinerit %-nngorlugit	Atuineq 2019	Ineriartorneq % 2019 - 2020
Akilaartarnermut Aqutsisoqarfik IST-ip inernerá	-2.374.544	-2.601.885	227.341	110 %	-2.356.238	10 %
Namminersorlutik Oqartussat allafeqarfiat	80.153	79.840	213	100 %	79.449	0 %
<b>Toqqaannartumik akilaaraarutit</b>						
Pissarsiasat siusinnerusukkut taamaatinneqarsimasut	-10.000	-5.450	-4.550	83 %	-7.641	-29 %
Sulisitsisuni uninngatitsinerit	500	0	500	0 %	0	0 %
Akilaaraarutit akiliisitsissutit	-5.000	-2.171	-2.829	43 %	-4.673	-215 %
Akitsuutit akileeqqussissutit	-300	-146	-154	49 %	-217	-49 %
Ernianut tapiissutit, ileqqaaruteqarnissamik aaqqissuussineq	2.000	1.818	210	91 %	2.210	-18 %
Pensionisiantut tapiissutit	1.400	132	-1.268	9 %	348	-62 %
Nuna tamakkerlugu akilaaraarutit	-1.125.500	-1.247.375	121.875	111 %	-1.096.763	14 %
Nuna tamakkerlugu immikkut akilaaraarutit	-75.000	-81.374	6.374	108 %	-83.041	-2 %
Ingerlatseqatigiiffiit akilaaraarutaat, namminersorlutik oqartussat suliffeqarfiutaat	-52.000	-66.493	-14.493	128 %	-47.045	41 %
<b>Toqqaannanngitsumik akilaaraarutit</b>						
Nioqqutissamik eqquusuinermit akitsuutit	-540.500	-563.974	-23.474	104 %	-520.435	8 %
Motoorinut akitsuut	-79.600	-90.900	11.300	114 %	-81.965	11 %
Raajanut akitsuut	-278.600	-264.780	13.820	95 %	-263.788	0 %
Umiarsualivimmiinnermut akitsuutit	-10.500	-4.294	6.206	41 %	-11.785	-64 %
Naqissusiinnermut akitsuutit	-35.000	-52.992	-17.992	151 %	-46.730	13 %
Eqqiniaatitsinermit akitsuutit	-4.000	-4.467	-467	112 %	-5.363	-17 %
Aningaasanik ikisilluni pinnguaatinut akilaaraarutit	-7.000	-6.799	202	97 %	-6.947	-2 %
Akitsuutit, akiliilluni piniarneq aalisarnerlu	-600	-203	-397	34 %	-779	-74 %
Sulisoqarnermut akitsuut	-94.000	-95.517	-1.517	102 %	-95.856	0 %
Avatangiisinut akitsuut	-15.000	-16.458	-1.458	110 %	-18.100	9 %
Aatsitassanut, sikumut imermullu akitsuutit	0	-77	-77		0	
Qalerallinnut akitsuut	-74.300	-89.415	-15.115	120 %	-97.641	-8 %
Aalisakkanut ikerinnaasiortunut akitsuut	-40.600	-30.925	9.675	76 %	-43.833	-29 %
Reserve til merindtægter på skatte- og afgiftsområdet	-1.250	0	1.250			

**Atuarnissaanut ilitsersuut:** Kisitsisit tamarmik koruuninut tusindinut allanneqarput. Naatsorsuutitigut soorlu nassuiaatigineqartoq kisitsisit minuserallit tassaapput isertitat nalinginnaasumillu kisitsisit aningaasartuutaallutik.

# AKILERAARUTIT AAMMA AKILERAARUTINUT TUNNGAVIIT OQALUTTUARISAANERMIT ISIGALUGIT ALLANNGORIARTORNERI

## - TAMAKKIISUMIK PAASISAQARNEQ

Toqqaannartumik akileraarutit 2011 - 2020



	2011	2012	2013	2014	2015	2016	2017	2018	2019	2020
Nuna tamakkerlugu akileraarutit	966.141	983.997	913.165	875.984	954.710	1.049.829	1.018.786	1.077.764	1.096.763	1.247.375
Nuna tamakkerlugu immikkut akileraarut	148.645	107.596	113.171	116.551	114.940	109.853	78.565	99.517	83.041	134.519
Nam. oqartussat suliffeqarfiutaat akileraarutaat	20.688	52.026	25.108	34.408	42.254	114.661	113.663	59.531	47.045	66.493
<b>Toqqaannartumik akileraarutit</b>	<b>1.135.474</b>	<b>1.143.619</b>	<b>1.051.444</b>	<b>1.026.943</b>	<b>1.111.904</b>	<b>1.274.343</b>	<b>1.211.014</b>	<b>1.236.812</b>	<b>1.226.849</b>	<b>1.448.387</b>


### Toqqaannartumik akileraarutit allanngoriartorneri

Piffissami 2011-miit 2020-mut Kalaallit Nunaat ataatsimut isigalugu toqqaannartumik akileraarutit patajaatsumik tunngaveqarsimavoq. Nuna tamakkerlugu akileraarut 2014-miit 2020-mut qaffakkiartorsimasooq, nuna tamakkerlugu immikkut akileraarut annertuumik appariartorsimavoq, Pituffimmi kiffartuussinermut isumaqatigiissut allanut tunniunneqarnera ilusaanik. Namminersorlutik oqartussanit pigineqartunut ingerlatseqatigiiffinnut akileraarutit ukiumiit ukiumut annertuumik allanngorarsimapput.

2020-mi nuna tamakkerlugu akileraarut, Nam. Oqartussat suliffeqarfiutaat akileraarutaat annertuumik qaffariartorsimapput, 2019-miit 2020-imut 10% missaanik qaffassimallutik.

### Toqqaannangitsumik akileraarutit allanngoriartorneri

Piffissap 2015-p aamma 2020-p akornanni akitsuutini isertitatigut tunngaviit siuariartorsimapput.




	2011	2012	2013	2014	2015	2016	2017	2018	2019	2020
Toqqaannangitsumik akileraarutit	799.559	860.204	823.363	934.312	901.061	1.019.493	1.034.725	1.195.289	1.193.272	1.217.676

### Aalisarnermut akitsuutit allangoriartorneri

Aalisarnermut akitsuutit taakkulu ineriartorneri toqqaannangitsumik akileraarutinit isertitat pingajorarterutigaat uani immikkuullarissuuneri erseqqissarneqarluni.

#### Nunatsinni aalisarnermut akitsuutit allangoriartorneri



	2013	2014	2015	2016	2017	2018	2019	2020
Raajanut akitsuut	103.700	145.300	153.000	167.500	175.400	263.300	263.800	261.700
Qaleralinnut akitsuut	18.800	18.800	29.800	53.900	47.800	94.300	97.600	89.415
Aalisakkanut ikerinnaasiortunut akitsuut	0	74.400	28.700	47.200	36.100	46.900	43.800	30.925
<b>Aalisarnermut akitsuutit inenera</b>	<b>122.500</b>	<b>238.500</b>	<b>211.500</b>	<b>268.600</b>	<b>259.300</b>	<b>404.500</b>	<b>405.200</b>	<b>382.040</b>

---

### **Aalisarnermut akitsuutit allangoriatorneri (nanginnera)**

Aalisakkanut raajanullu akitsuutit 2020-mi katillugit 382 mio. kr.-inik annertussuseqarput 2019-mi 405 mio. kr.-iusut. 2018-ip tungaanut aalisakkanut raajanullu akitsuutitigut isertitani tamarmiusuni malunnartumik ineriartortoqarpoq. Kingullermik 2018-mi inatsimmi akitsuutinut tunngaviusut aalisakkanut assigiinngitsunut arlalinnut annertusineqarpoq peqatigisaanillu akitsuutinut akigitat naatsorsorneri allangortinneqarluni. Aamma iluanaaruteqarnerit pisassiissutit annertussusiinik, pisassiissutinik atuinnermit, tunisassiat allangorarnerannik, avammut nioqquteqarnermi akigititanik aamma aningaasat nalinginik sunnerneqarsimapput.

Raajanut akitsuut Kalaallit Nunaanni akileraarutinut tunngavinni pingaaruteqartunut ilaavoq. 2020-mi raajanut akitsuut 261,7 mio. kr.-iuvoq, tassa 16,8 mio. kr.-inik 6 %-imik aningaasaliissutinit annikinnerulluni. Qaffasiffia 2019-mi isertitaniit 1 %-imik annikinnerusumik allaaneruvoq.

Qaleralinnut akitsuut 2020-mi 89,4 mio. kr.-iuvoq taamaalillunilu ukiup siulianiit 20%-imik qaffariarnerulluni. Tamanna sioqqullugu inatsisit allangortinneqarneri pissutigalugit ukiumiit ukiumut siuariartoqarnera takuneqarsinnaavoq. Inatsimmi akileraarutinut tunngaviusut annertusineqarput, taamaalilluni inuit ingerlatseqatigiiffiillu avataasiorluni sinerissamullu qanittumi qaleralinniarluni Kalaallit Nunaanni nalunaarsorneqarsimasunik umiarsuit atorlugit qaleralinniarnissamut akuersissuteqartut pisat naapertorlugit akitsuusersorneqarlutik, Kalaallit Nunaata aalisarnermut oqartussaaffiani, nunat allat aalisarnermut oqartussaaffiani imaluunniit nunani tamalaani aalisartoqarnerseq apeqqutaatinnagu. Tassunga atatillugu akitsuutinik naatsorsueriaaseq aamma allangortinneqarpoq. Covid-19-ip ajornartorsiortitsinerata kingunerisaanik qaleralinniarneq annertunerusumik sunniuteqanngilaq.

Ikerinnarsiorluni aalisarneq 2020-mi 30,9 mio. kr.-inik isertitaqarfivoq, tassani aningaasaliissutiniit 24%-imik annikinnerusooq. 2020-mut isertitat 2019-mut naleqqiullugu 12,9 mio. kr.-it missaannik appasinnerupput. Nassuiaat tassaavoq avaleraarsartuunit pisat imartani allani pisarineqarsimanerat.



## Nioqqutissanik eqqussuinermi akitsuutit

Nioqqutissanik eqqussuinermi akitsuutit 2020-mi toqqaannangitsumik akileraarutinit 46%-iupput. Tabellimi ataaniittumi eqqussuinermi akitsuutitut isertitat agguarneqarput. Ukioq 2020, 2015-imut assersuunneqarpoq, Ukiuni arfinilinni procentinngorlugu ataatsimut qaffariarneq kolonnimi talerpillermiippoq.

Nioqqutissanik eqqussuinermi akitsuutit	2015	2020	Ukiuni arfinilinni ineriartorneq
Sukkut, kaffit/tiit sukkulaatillu	-43.791	-59.898	37 %
Imigassat aalakoornartortallit	-188.052	-207.238	10 %
Imeruusaatit poortuutissallu	-47.443	-37.217	-22 %
Pilerisaarutit naqitat	0	-630	Ny afgift
Tupanik nioqqutissiat	-138.940	-170.909	23 %
Neqinik tunisassiat	-18.607	-18.443	-1 %
Qamutit motoorillit	-33.244	-62.245	87 %
Tipigissaatit	4.381	3.977	-9 %
Qummoortoatatit	0	2.524	Ny afgift

Akitsuutitut ataatsimoortunut arlalinnut eqqussuinermi akitsuutit ukiuni kingullerni tallimani Inatsisartut aaqiiffiginikuaat, ingammik qamutinik motoorilinnik, sukkunik, imigassanik tupanillu eqqussuinermit akitsuutit qaffannerat kinguneraat. Taamatut ussasaarutitut naqitanut qummoortoatatitut eqqussuinermit akitsuutit ukiut kingulliit tallimat ingerlanerani eqqunneqarput.

Ukioq 2020 ukioq allaavoq, ukiut siuliinut akersiummik akitsuutitut ataatsimoortunit arlalinnit isertitat allanngorarmata. Tamanna ilaatigut pissuteqarpoq sukkunut, tapanut imigassanullu akitsuutit qaffanneranik, tassunga ilanngunneqarsinnaavoq atueriaaseq allanerusimammatt Danmarkimiit -imut nunanullu allanut Covid-19-mik angalanerit killilersuinerit pissutigalugit.



# 2020-IP INGERLANERANI AKIITSUT INERIARTORNERI

Februaari 2021-mi innuttaasut suliffeqarfiillu pisortanut katillugit 1.318 mio. kr.-nik akiitsoqassanganineqarput. Namminersorlutik Oqartussat kommunillu 2020-mi aningaasalerinernut atortunik nutaanik atuilersimapput taamaalillunilu paasisutissanik eqqornerusunik kinguneqartalissalluni. Aningaasalerinerni atortunik nutaanik atuilernerit ilaattut akiliisitsiniartariaaseq nutaaq Akileraartarnermut Aqutsisoqarfimmi atorineqalersimavoq tamannalu akiliisitsiartaatsini ersarinnerulernermik paasiuminarnerunermillu kinguneqarpoq.

Tamakku tamarmik pissutaallutik qarasaasiakkut atortunut nutaanut ikaarsaariarnerup malitsigisaanik akiligassanik kinguaattoorutinik tamarmiusunik naatsorsueriaatsit allangortinneqarput.

Aningaasalerinerni atortunut nutaanut ikaarsaariarnerup malitsigisaanik Akileraartarnermut Aqutsisoqarfimmi maannakkut akilersuisitsiartaatsinut akiligassanik kinguaattoorutinut tamanik nussuisoqartalerpoq. Siusinnerusukkut akiligassat kinguaattoorutinik naatsorsuineri akileraarutinut akiligassanik kinguaattoorutit aamma akiligassaqaarfimmi annaasaqaataasinnaasunik aningaasanik immikkoortitsisarnerit kisimik ilaatinneqartaraluarput (akiliisinnaajunnaarnerni il.il.). Taamatut illikartitsineq ingerlatsineq akuerisaasoq aallaavigalugu naatsorsorneqarsimavoq, taanna Nunatta Karsiata naatsorsuutai aamma Namminersorlutik Oqartussat kukkunerisuiisui avataaneersut eqqarsaatigalugit aalajangersarneqarpoq. Naatsorsuineri akiligassat kinguaattoorutaasut pisoqassusii aallaavigineqarput tamatumalu kingorna procentileeriaatsit aalajangersimasut aallaavigalugit annaasanut immikkoortinneqarlutik.

Taamaattumik akiligassat kinguaattoorutit kisitsisitaat nutaat kisitsisinut siusinnerusukkut saqqummiunneqarsimasunut sanilliullugit amerlanerupput. Akiligassat kinguaattoorutiginneqartut tamarmik allangorarnerat qiviaraanni ilorraap tungaanukariartortoqartoq malugineqarsinnaavoq, ingammik akileraarutinut akiligassat kinguaattoorutit eqqarsaatigalugit. Allangorarnerit kingumut qiviassagaanni piffissami 2017-imiit 2021-mut akiligassat kinguaattoorutit tamarmiusut takussutissartaat ilanngunneqarpoq, tamakku ukiuni tamani naatsorsueriaaseq ataaseq atorlugu naatsorsorneqarsimapput.

Piffissami 2017-imiit 2021-mut akiligassat kinguaattoorutit tamarmiusut 1.771 mio. kr.-t missaanniit 1.318 mio. kr.-nut ikilimapput. Tassa imaappoq akiligassat kinguaattoorutit tamarmiusut 452 mio. kr.-nik ikilimasut 26 %-illu missaannik ikileriarsimallutik.



## 2020-ip ingerlanerani akiitsut ineriartorneri


Akiitsut 2020-mi 896,6 mio. kr.-iniit 1.08 mia. kr.-inut qaffapput. Tassa januar 2020-mut naleqqiullugu 21%-it missaannik qaffariarneq, Tabellimi ataaniittumi januar 2020-miit, februar 2021-mut akiitsut ineriartorneri takutinneqarput.

Akiligassat kinguaattoorutit suunerat	Suliat amerlassusiat Januar 2020	Akiligassat kinguaattoorutit Januar 2020	Suliat amerlassusiat Februar 2021	Akiligassat kinguaattoorutit Februar 2021	Suliat amerlassusiat Procentingorlugu allangguut	Akiligassat kinguaattoorutit Procentingorlugu allangguut
Meeqqanut akilersuutit	77.094	371.313.480	84.741	412.688.404	10 %	11 %
Akilaraarutissat sinneri	521	18.356.298	13.547	17.723.051	2500 %	-3 %
ESU	62	35.263.992	73	35.587.037	18 %	1 %
Akilaraarutit A-t	2.232	16.705.042	1.806	16.360.253	-19 %	-2 %
Ingerlatseqatigiiffiit akilaraarutaat	63	37.392	48	36.527	-24 %	-2 %
Ineqarnermut akiliutit	4.959	33.120.721	12.891	35.904.085	160 %	8 %
Akilaraarutit erniaat	1.240	1.721.839	2.150	2.367.058	73 %	37 %
Kommuninut akiligassat kinguaattoorutit assigiinngitsut	13.793	32.533.419	18.554	56.207.730	35 %	73 %
Ikorsissutit utertinneqartussaataasut	4.394	22.554.419	4.777	25.475.343	9 %	13 %
Ilinniarnermi taarsigassarsiat	696	11.338.683	1.038	9.726.118	49 %	-14 %
Meeqquviit	22.076	12.417.889	27.479	16.108.002	24 %	30 %
Eqqaavilerineq	105.631	33.574.789	111.267	36.049.987	5 %	7 %
Kommunini inuussutissarsiutinut taarsigassarsiat	13	92.818	7	65.985	-46 %	-29 %
Assigiinngitsut Namminersorlutik Oqartussanut akiligassat kinguaattoorutit	12.601	17.413.956	11.900	41.145.126	-6 %	136 %
Initaarniarnermut tapiissutitigut taarsigassarsiat	254	13.667.382	298	15.372.787	17 %	12 %
Namineq illuliornermi taarsigassarsiat	270	5.512.971	273	3.070.448	1 %	-44 %
Innaallagiq/imeq	6.101	15.474	7.842	2.874.921	29 %	18479 %
Meeqqanut inissitanut angajoqqaat akiliutaat	14.846	20.298.653	7.486	10.271.455	-50 %	-49 %
Nunat Avannarliit piumasaqaataat	723	9.083.698	1.237	6.860.608	71 %	-24 %
Akiligassat kinguaattoorutit allat	5.122	1.586.935	4.990	1.800.774	-3 %	13 %
<b>Katillugit</b>	<b>77.094</b>	<b>656.609.850</b>	<b>84.741</b>	<b>745.695.699</b>	<b>15 %</b>	<b>21 %</b>



Akileraartarnermut Aqutsisoqarfimmumt akiligassat kinguaattoorit	Akiligassat kinguaattoorit Januar 2020	Akiligassat kinguaattoorit Februar 2021	Akiligassat kinguaattoorit Procenttingorlugu allannguit
Aalisarnnut akitsuutit	0	0	0 %
Akileraarutinut akiliisitsissuutit	3.848.861	4.133.743	7 %
Akitsuutinik akiliisitsinerit	87.995	109.734	25 %
Nuna tamakkerlugu akileraarut	749.429.340	546.897.471	-27 %
Nuna tamakkerlugu immikkut akileraarut	8.198.169	10.022.199	22 %
Nioqutissanik eqquusuinermit akitsuutit	23.187.811	2.834.093	-88 %
Qamutit motoorillit akitsuutaat	1.759.187	2.574.856	46 %
Raajanut akitsuut	0	0	
Eqquiniaatitsinermit akitsuutit	-87.149	530.719	
Aningaasanik ikisisarluni pinnguaatinut akitsuutit	74.900	0	
Sulisoqarnermut akitsuut	1.491.908	4.909.293	229 %
Nukissiornermit avatangiisut akitsuutit	0	5.746	
Qaleralinnut akitsuut	0	1.201.045	
Aalisakkanut ikerinnarsiortunut akitsuut	0	-429.504	
<b>Katillugit</b>	<b>787.991.022</b>	<b>745.695.699</b>	<b>-5 %</b>
Annaasanut immikkoortit kr.-inngorlugit	240.000.000	340.000.000	
<b>Katillugit (annaasanut immikkoortit ilanngullugit)</b>	<b>1.444.600.872</b>	<b>1.318.485.093</b>	

Akiitsut tamakkiisumik	2017	2018	2019	2020	2021	Ukiut tallimat ingerlanerani procenttingorlugu allannguit
Akiliisitsiniartarnermit immikkoortortaqarfimmi akiitsut	785.416.617	769.109.454	748.576.009	656.609.850	745.695.698	-5 %
Akileraartarnermut Aqutsisoqarfimmumt akiligassat akiitsut	985.834.506	723.098.837	697.178.418	787.991.022	572.789.395	-42 %
Annaasanut immikkoortit	150.000.000	190.000.000	240.000.000	240.000.000	340.000.000	
<b>Katillugit</b>	<b>1.771.251.123</b>	<b>1.492.208.291</b>	<b>1.445.754.427</b>	<b>1.444.600.872</b>	<b>1.318.485.093</b>	<b>-26 %</b>



Akiligassat kinguaattoorutit allanggornerpaat tassaapput akileraarutinut akiligassat kinguaattoorutit, ingammik nuna tamakkerlugu akileraarutinut akiligassat kinguaattoorutit aamma nuna tamakkerlugu akileraarutit immikkut ittut aamma eqquusuinerni akitsuutit ilorraap tungaanut allanggoriarput.

2019-ip aamma 2020-p ingerlaneranni Namminersorlutik Oqartussani aamma kommunini tamani aningaasalerinernut atortunut ikaarsaariarnerni pitsannguutaasunik nalunaarsorneqarsimasunik sukumiisumik annertuumillu misissuisoqarsimavoq tamatumalu malitsigisaanik pitsannguutit inatsisitigut atorunnaartut piarneqarsimapput. Tamatuma saniatigut ikaarsaariarnerup malitsigisaanik akissarsianit ilanngaasseqqusisarnertit ikaarsaariarnerup nalaani unitsinneqarsimapput tamatumalu kingunerisaannik akiligassat kinguaattoorutit malunnaatilimmik amerlinissaat naatsorsuutigineqarpoq. Kommuninut aamma Namminersorlutik Oqartussani eqqortunik nalunaaruteqartarnerit aamma akissarsianit ilanngaasseqqusisarnernik aallartitseqqinnerit malitsigisaanik Akileraartarnermut Aqutsisoqarfimmi pisortanut akiligassanik kinguaattoorutinik tamarmiusunik eqqornerusunik aappaagu takutitsisoqartariaqarpoq.

Covid-19 pissutigalugu angalanernik killilersuinerit malitsigisaanik 2020-mi illoqarfinnut nunaqarfinnullu, ingammik Maniitsup Nuullu avataanni, toqqaannartumik ornigullunilu akiliisitsiniartoqartarsimangilaq.

2020-mi akissarsianit ilanngaassisarnikkut aamma naafferartumik akilersuisitsinikkut 14,6 mio. kr.-nit akilerneqarput. Tamakku 2019-imut sanilliullugit ikileriarput, taamanimi 31 mio. kr.-t missaat akilerneqarmata 2021-mi atortunik nutaanik atuuttussanngortitsinerup kingorna aallarteqqinneqaqqippoq aamma 2019-misulli akilersuisoqarnissaa naatsorsuutigineqarpoq.

Assigiinngitsut Akiligassat kinguaattooruterpassuit siusinnerusukkut akiliisitsiniartarfimmut nuunneqarsimangitsut, tamatumani aningaasalerinermut atortunik nutaanik atuuttussanngortitsineq pissutaavoq, pissutigalugit Namminersorlutik Oqartussat akiligassat kinguaattoorutit 2020-mi augustimi 13,4 mio. kr.-niit 2021-mi februaarimut 41,1 mio. kr.-nut amerlisimapput.

Innaallagissamut / imermut akiligassat kinguaattoorutit 2020-mi augustimi 25.000 kr.-niit 2021-mi februaarimut 2,8 mio. kr.-nut amerlisimapput. Tamanna Nukissioffiit 2020-mi naatsorsukkamik kukkuneqarsinnaanerit iluusaanniarlugit kinguaattoorutinut akiligassiisutit tamarmiusunik utertitsinerannik pissuteqarneruvoq. Akiligassat kinguaattoorutit maannakkut akiliisitsiniartarfimmut nooqqinneqareerput.

Akiliisitsiniariaatsimut ikaarsaariarneq naatsorsuutigisamit suliassatigut unammillernarnerusimavoq, ingammik atortuni nutaani paasisutissat eqqortut qulakkeerniarlugit sulisut amerlanerujussuit Aqutsisoqarfimmi atorneqarsimapput aammalu pissaqarfigisarpasuit pissaminnik nalunaarsugaanik iluusaassisoqarsimalluni. Tamatuma malitsigisaanik ullumikkut akileeqqusissutit eqqornerusut atorlugit akiliisitsiniartoqarsinnaavoq taamaalillunilu ingammik innuttaasunut suliffeqarfinnullu suliassat unammillernartut ikinnerulersimallutik. Atortut aamma atortutoqqanit paasiuminernerupput taamaalillunilu innuttaasuni ataasiakkaani akiligassat kinguaattoorutit ataasiakkaat allanggorarnerat ersarinnerulersimallutik. Tamanna ilutigalugu innuttaasut ataasiakkaat akiliineranni sukkanerujussuarmik qisuariartoqarsinnaalerpoq.

Akilerartarnermut Aqutsisoqarfik  
Intaleeqqap Aqqutaa nr. 1  
Postboks 1605  
3900 Nuuk  
[www.aka.gl](http://www.aka.gl)



WWW.AKA.GL